

## PAWOL POU RI

### Pou lajan fè lajan

Iv fini fè an djob, i ni 5 pies an léro an poch li. I mélé épi zafè pies-la ek i ka chaché an manniè pou sa pa mélé'y. I ka wè an nonm adan an magazen ka achté an bagay ki ka tiré lajan adan potfey li. I ka wè potfey-la plen lajan. I ka di nonm-la : sa bien épi an potfey adan kilès ou ka mété tout lajan ou ni, i ka plen. Nonm-la di'y : I plen pas sé lajan ka mennen lajan, gadé wè genyen yonn pou mété sé piès ou-a. Iv achté an potfey 5 léro. I soti déwò, i ka réalizé i pa rété lajan pou mété adan potfey-la, i di ko'y sé sot mwen sot. I kouri dèyè nonm-la, I di'y : gadé sa, mwen ni potfey mé mwen pa rété lajan pou mété adan, ou di sé lajan ka mennen lajan, mété an lajan adan ba mwen. Nonm-la réponn li : fok ou mété grenn adan avan pou fè lajan vini.

### Tonnè ek zéklè

Dé konpè, Adolf ek Fetnat, adan an privé ka pran an fé. Soley disparet, la pli ka fifiné ek an gwo van souflé.

Fétnat ki ni yonn-dé lanné pasé Adolf ka di'y, jan van tala ka souflé, la pli-a ké bay désann, fo mwen alé pou wè bet mwen. I pokò té di sa, lapli koumansé fésé ko'y atè, an model tonnè koumansé roulé. Adolf pa ka di ayen. Fetnat ka di'y : Sa ou ni, ou la bouch pé.

Adolf ka réponn : zafè mové tan-an pa ka alé an sans mwen, ki tonnè ki zéklè, sé pa ba mwen.

Fetnat ka di : ki tonnè ki zéklè sé pa ayen, sa pa pou maré zafé'w.

Adolf, tou sentré, ka di : tonnè-a pas, mé zéklè-a pies toubannman.

Fetnat : « si sé sa, ou pa bizwen alé wè doktè zorèy mé fok ou alé wè an doktè zié. Kon sa yé-a, ki sa ou sé simié, ou pa ka tann oben ou pa ka wè ».

Adolf : « mwen simié man ka tann, konsa ki lajounen ki lannuit, mwen ké tann mové tan ka vini, mé si sé wè klè mwen ka wè klè, lajounen mwen péké sav si mové tan ka vini.